

כד לראות פני: ויהי פי עלינו אל-
 עבדך אבי ונגד-לו את דברי
 כה אדני: ויאמר אבינו שבו
 ט שברו-לנו מעט-אכל: ונאמר
 לא נוכל לרדת אם-יש אחינו
 הקטן אתנו וירדנו כי-לא
 נוכל לראות פני האיש ואחינו
 כז הקטן איננו אתנו: ויאמר
 עבדך אבי אלינו אתם ידעתם
 כח כי שנים ילדה-לי אשתי: ויצא
 האחד מאתי ואמר אך טרף
 טרף ולא ראיתיו עד-הנה:
 כט ולקחתם גם-את-זה מעם פני
 וקרהו אסון והורדתם את-
 ל שיבתי ברעה שאלה: ועתה
 כבאי אל-עבדך אבי והנער
 איננו אתנו ונפשו קשורה
 שני לא בנפשו: והיה כראותו כי-אין
 הנער ומת והורידו עבדיך
 את-שיבת עבדך אבינו ביגון
 לב שאלה: כי עבדך ערב את-
 הנער מעם אבי לאמר אם-לא
 אביאנו אליך וחטאתי לאבי
 לג כל-הימים: ועתה ישב-נא
 עבדך תחת הנער עבד לאדני
 לד והנער יעל עם-אחיו: כי-איך
 אעלה אל-אבי והנער איננו
 אתי פן אראה ברע אשר
 מה א ימצא את-אבי: ולא-יכל יוסף
 להתאפק לכל הנצבים עליו

ויקרא הוציאו כל-איש מעלו
 ולא-עמד איש אתו בהתודע
 ב יוסף אל-אחיו: ויתן את-קלו
 בבכי וישמעו מצרים וישמע
 ג בית פרעה: ויאמר יוסף אל-
 אחיו אני יוסף העוד אבי חי
 ולא-יכלו אחיו לענות אתו
 ד כי נבהלו מפניו: ויאמר יוסף
 אל-אחיו גשו-נא אלי ויגשו
 ויאמר אני יוסף אחיכם אשר-
 ה מכרתם אתי מצרימה: ועתה
 אל-תעצבו ואל-יחר בעיניכם
 כי-מכרתם אתי הנה פי
 למחיה שלחני אלהים
 ו לפניכם: כי-זה שנתים הרעב
 בקרב הארץ ועוד חמש שנים
 אשר אין-חריש וקציר:
 ז וישלחני אלהים לפניכם
 לשום לכם שארית בארץ
 ולהחיות לכם לפליטה גדלה:
 ח ועתה לא-אתם שלחתם אתי
 הנה פי האלהים וישוימני לאב
 לפרעה ולאדון לכל-ביתו
 ומשל בכל-ארץ מצרים:
 ט מהרו ועלו אל-אבי ואמרתם
 אליו כה אמר בנה יוסף שמני
 אלהים לאדון לכל-מצרים
 י רדה אלי אל-תעמד: וישבת
 בארץ-גשן והיית קרוב אלי
 אתה ובניך ובני בניך וצאנך

ובקרה וכל-אשר-לך:
 יא וכלכלתי אתך שם כי-עוד
 חמש שנים רעב פן-תורש
 אתה וביתך וכל-אשר-לך:
 יב והנה עיניכם ראות ועיני אחי
 בנימין כי-פי המדבר אליכם:
 יג והגדתם לאבי את-כל-כבודי
 במצרים ואת כל-אשר ראיתם
 ומהרתם והורדתם את-אבי
 יד הנה: ויפל על-צוארי בנימן-
 אחיו ויבך ובנימן בכה על-
 טו צואריו: וינשק לכל-אחיו
 ויבך עלהם ואחרי כן דברו
 טז אחיו אתו: והקל נשמע בית
 פרעה לאמר באו אחי יוסף
 ויטב בעיני פרעה ובעיני
 יז עבדיו: ויאמר פרעה אל-יוסף
 אמר אל-אחיה זאת עשו טענו
 את-בעירכם ולכו-באו ארצה
 יח כנען: וקחו את-אביכם ואת-
 בתיכם ובאו אלי ואתנה לכם
 את-טוב ארץ מצרים ואכלו
 רביעי ט את-חלב הארץ: ואתה
 צויתה זאת עשו קחו-לכם
 מארץ מצרים עגלות לטפכם
 ולנשיכם ונשאתם את-אביכם
 כ ובאתם: ועיניכם אל-תחס
 על-כליכם כי-טוב כל-ארץ
 כא מצרים לכם הוא: ויעשו-כן
 בני ישראל ויתן להם יוסף